

Transkription von Stadtbucheintrag KIL 1499e

Ort, Datierung: Kiel, 1499-??-??

Signatur: Stadtarchiv Kiel, Das Erbebuch 1411-1604, S. 139/b

Inhalt: Detleff Brande: Erbenspruch; Mathias Selmer: Besitzanspruch; Hinrick Ferste:
Erbanspruch; Peter van Collen: Erbenspruch

Anno /

Dat Erue bolegen In der bruggestrate(n) dat aldus lange / hefft gehoreth olde detleff brande horet nu
qwith / vnnd(e) frigh lunge detleff brande synem(e) Sone vnnd(e) / synem(en) Eruen myt allem rechte
vnnd(e) tobehoringe / vnnd(e) myt aller frigheith zo dat In synen Endesche/dingen bolegen is vnnd(e)
detleff brande vnnd(e) syne / Eruen dat frigest boseten hebben de renthe vynth / men In deme
pantboke ¹

De bode bolegen by deme marckede de aldus lange hefft / behorth Jaspar tesschen vnnd(e) synen
Erue myt aller / vrigheith vnnd(e) tobehoringe horeth nü qwith vnnd(e) frigh / Mathias selmer
vnnd(e) synen Erüen myt allem rechte / also de boden Jaspar frigest boseten hefft de renthe xx
s(chillinge) / deme rade dar ane bliuende also zodann(e) renthe alduslange / dar ane gewest is vnnd(e)
hefft desse boden entfangen / myt syner frowen also enen brutschath ¹

Dat Erue bolegen In der kedinckstrate dat aldus langhe / hefft gehorth Marquardt Luders vnnd(e)
sine(n) Erue(n) horeth / nü qwith vnnd(e) frigh hinri(ck) ferste vnnd(e) synen(n) Eruen / myth allem
rechte vnnd(e) tobehoringe vnnd(e) myt aller / frigheith zo dat In syne(n) endeschedingen bolegen is /
vnnd(e) marquarde luders offte sine Eruen dat frigest boseten / hebben de renthe vynth men In deme
pantboke ¹

Dat Erue bolegen In der bruggestraten dat aldus lange / hefft gehorth Peter brakenhuessz dem(e)
olden vnnd(e) synen / Eruen horeth nü qwith vnnd(e) frigh Peter van Collen / vnnd(e) syne(n) Eruen
myth allem rechte vnnd(e) tobehoringe / myt aller frigheith zo dat In syne(n) endeschedingen /
bolegen is vnnd(e) Peter brakenhuessz offte sine Eruen / dat frigest boseten hebben de renthe vynth
men In / deme pantboke ¹

¹Text im Original gestrichen